

欽定大清會典事例

欽定大清會典事例卷五百二

禮部

朝貢

敕封

貢期

貢道

敕封。凡襲封朝鮮。既

命正副使。使者將入境。國王遣陪臣祇候恭迎。

詔敕龍亭。行三跪九叩禮。見正副使。行一跪三叩禮。

至國日。奉

詔敕及

頒賜器幣。安於使館。行禮訖。其陪臣入謁使者。俱三

叩。正副使受之。擇日宣讀。

詔敕國王率世子陪臣至館肅迎奉

詔敕於龍亭行禮畢國王先回

詔敕龍亭及

頒賜器幣乃舉行鼓樂儀仗前導正副使隨行由中門入正副使從奉

詔敕升殿置正中黃案上奉

頒賜器幣陳於旁案國王就拜位率世子陪臣行三跪九叩禮興詣受

詔敕位跪使者乃宣

詔敕宣畢奉置於案國王俯伏行三跪九叩禮興正

副使出。國王率屬出送。乃返。如

諭祭後再行

冊封禮。先行事於該國先王廟。設應祭之神位於廟中之東西嚮。奉安

諭祭文於正中。正副使左右立。列所賜銀絹於神位案上。世子率陪臣行三跪九叩禮畢。退立於神位案左。乃宣

諭祭文。世子等皆俯伏。宣畢興。奉詣焚帛所。焚畢。世子就拜位。率陪臣行禮。正副使乃退。次行

冊封禮於該國正殿。如前儀。世子既受

封。始稱王。告於廟。受該國羣臣朝。親詣使館謝封。燕勞正副使。正副使事竣。即還。

朝復

命。

琉球越南遣使如襲封儀仿此。

冊封王妃。以國王受命。

封世子。國王率之受

命。禮亦如之。○崇德二年。朝鮮國王李倧舉國歸附。敕封為朝鮮國王。

賜龜紐金印。給

詰封王妻為王妃。子為世子。○順治元年定外國繳送

明季敕印者。聽地方官具題。○六年遣使齎

敕封朝鮮國世子李湔為朝鮮國王。妻為王妃。○又題

准往封朝鮮國王

詔敕各一道。由內院撰擬。正副使啟途。工部給黃纓旗

仗。

欽差牌。肅靜迴避牌。各一對。兵部給郵符。起沿途夫

馬。給兵票。撥營汛兵護送至山海關。出關撥旗

兵送至朝鮮國界。給路引。載隨行通事官從人

及車馬弓矢佩刀之數。以備出關稽查。○八年

琉球國納款。差陪臣齎表及通事到京。

頒敕一道。

諭該國將明季敕印繳換。即令差官齎回。○十一年。琉球國世子尚質遣陪臣繳到明季鍍金銀印一顆。襲封王爵。詔一道。敕書一道。遣使齎

詔敕各一道。及鍍金駝紐銀印一顆。往封琉球國王。開列尚質為中山王。○又題准。往封琉球國王。開列內閣典籍。中書舍人。翰林院讀講編檢。六科給事中。禮部郎中。員外郎。主事。行人司行人。恭候欽點正副使。各給蟒緞朝衣。麒麟補服。工部豫行福

建督撫備渡海大舟。務擇精良者。至啟行。乘傳給織仗旗牌。皆如例。○十六年。遣使齎

敕封朝鮮國世子李柁為朝鮮國王。○又定。往封朝鮮國王。開列內大臣。散秩大臣。一等侍衛。滿洲內閣學士。翰林院掌院學士。禮部侍郎。恭候

欽點正副使各一人。○十八年。覆准。安南國王黎維禔奉表投誠。照琉球國例。

頒敕一道。令來使齎奉回國。○康熙元年。覆准。順治十一年。往封琉球正副使至閩。因道阻未及渡海。行令閩浙總督。造舟送往。○三年。以荷蘭國王

助兵克取廈門金門。

頒敕諭二道褒獎。○又安南國世子黎維禧請封。奉

旨。俟該國繳送明季敕印。再行議奏。○五年。安南國世

子黎維禧送到明季敕一道。印一顆。遣使齎

敕及鑄給鍍金駝紐銀印。往封黎維禧為安南國王。○

又題准。往封安南國王。開列正副使。及給蟒緞

朝衣麒麟補服。悉照出使琉球之例。○十二年。

暹羅國請封。給予

敕書。並駝紐鍍金銀印。貢使於

午門外祇領。並行令該國王恭迎各如儀。○十四

年。遣使齎

敕封朝鮮國世子李煒為朝鮮國王。妻為王妃。○二十一年。遣使齎

敕封琉球國世子尚貞為琉球國王。○二十二年。遣使齎

敕封安南國世子黎維正為安南國王。以舊印模糊。並換給新鑄駝紐鍍金銀印。○三十年。朝鮮國王廢妃仍封為妃。補給

誥命。其側室仍處以副室。繳前所封誥命。○三十六年

諭朝鮮國奏稱正妃無子。請將側室所生之子李昫封為世子。應准其所請。賜物照例由戶部支取。遣正副使臣齎敕往封。○四十二年定。朝鮮國王繼室。照例封為王妃。其

誥命及

賜封王妃禮物。均與封嫡妃同。○五十七年。琉球國王世曾孫尚敬具奏。自四十八年中山王尚貞薨逝。世子尚純早世。世孫尚益權署國事。未及請封。亦薨。今遣耳目官正議大夫等。請封襲王爵。奉

旨。琉球國世守臣節忠誠可嘉。准該國王世曾孫尚敬所請。敕賜承襲琉球國中山王。遣使行敕封禮。○五十八年。遣使齎

敕封安南國世子黎維禔為安南國王。○五十九年。遣使齎

敕封朝鮮國世子李昀為朝鮮國王。○又奏准。朝鮮國世子原配追贈王妃。繼室封王妃。頒給

誥命。○六十一年。朝鮮國王奏請封其弟李昉為世弟。奉

旨。照所請行。遣使齎

敕封其弟李昫為朝鮮國王世弟。○雍正二年。遣使齎
敕封朝鮮國王世弟李昫為朝鮮國王。妻為王妃。○三
年。朝鮮國王請封側室所生之子為世子。奉
旨。建立世子。該王必再三斟酌。始懇切具呈。著照所請
行。旋遣使齎

敕封其子李緝為朝鮮國王世子。○是年。西洋教化王
入貢。

頒敕一道。付來使齎回。○五年。西洋博爾都噶爾國入
貢。

頒敕一道。付來使齎回。○又

諭。蘇祿國向來未通職貢。今該國王輸誠嚮化。遣使遠來進貢方物。奏辭懇切。具見悃忱。其有應行議奏之處。著大學士九卿詳議。欽此。遵

旨議定。蘇祿國入貢。照東南海外安南。琉球。荷蘭。暹羅。諸國初次奉表納貢之例。

欽頒敕諭一道。給賜該國王。即令來使齎奉還國。○七年。暹羅國入貢。內閣撰

敕一道。付來使齎回。○八年。南掌國入貢。

欽頒敕諭。照蘇祿國初次納貢之例。○十一年。遣使齎敕封安南國世子黎維祐為安南國王。○乾隆二年。朝

鮮國王李昖以世子李緯早世。遣使請封子李
愼為世子。奉

旨。該王既稱遲暮之年。子李愼知識漸長。輿情所在。願
名位早定。情辭懇切。著照所請行。旋遣使齎

敕封李愼為朝鮮國王世子。○又遣使齎

敕封安南國王弟黎維禕為安南國王。○十六年奏准。
緬甸國入貢。照蘇祿各國初次入貢之例。

欽頒敕諭一道。賜該國王以示嘉獎。即令來使齎奉還
國。○二十一年。遣使齎

敕封琉球國王世子尚穆為琉球國王。○二十五年。遣

使齋

敕封朝鮮國王繼室為王妃。照康熙四十二年之例。

二十六年。遣使齋。

敕封安南國王嫡姪黎維禡為安南國王。改鑄清篆鍍金駝紐銀印一顆。交封使齋往。舊印帶回銷鑄。

○二十八年。朝鮮國王奏世子李愔病故。請封李愔之子李祘。奉

旨。准其請封。內閣撰

誥。敕二道。奉

諭。李祘以孫承祖。其稱名仍作世子。於義似屬未安。著

交禮部。考據經書及歷代史冊。自來有無世孫名號。並檢查會典。該國從前曾否有似此立孫之事。務令悉心詳細稽考。折衷一是。具摺覆奏。欽此。遵

旨議奏。禮記檀弓云。公儀仲子舍其孫而立其子。子游問諸孔子。孔子曰。立孫正其義也。韓詩內傳云。諸侯世子。所以名為世子何。言欲其世世不絕也。可見襲封傳世之人。子孫本屬一理。考宋書禮志。孝武帝大明二年六月。有司奏侯伯子男世子喪無嗣。求進次息為世子。檢無其例。下禮官議。博士傅郁以為君在而世子卒。厥嗣未育。

次子有子。自宜紹為世孫。又明王圻續文獻通考。載肅恭王貢鯨子真淤。宏治四年封世子。嘉靖五年卒。真淤次子弼枕。初封鎮國將軍。嘉靖十一年。改封世孫。按此則世孫之名。昭然有據。外藩之與宗藩。事屬相同。所有朝鮮國王李昖之孫。自應改封世孫。奉

諭。前內閣撰擬朝鮮世子誥敕。朕意李昖以孫承祖。其稱名仍作世子。於義未安。是以傳諭禮部。詳覈查覆。茲據奏考之史冊。世孫名號。昭然有據。今李昖既係該國王之孫。自應援例封為世孫。方為名正言順。所

有給予誥敕。即行改正頒發。欽此。尋遣使齎

敕封李祘為世孫。○四十一年。朝鮮國王妃奏國王李

昫薨逝。故世子緯係屬長子。先受

誥命。已正宗統。當在禰位。應以世孫李祘繼其後。懇請
追賜故世子緯爵諡。及故世子婦

誥命。經部覈議。與請封之例不符。奉

旨。照所請給予爵諡。誥命。旋遣使齎

敕封朝鮮國世孫李祘為朝鮮國王。並追封故世子李

緯為國王。故世子婦為王妃。○四十九年奉

旨。禮部奏據朝鮮國王李祘奏稱。自守藩封。已逾八載。

年過三十。尚未有子。前歲始生子。暉。今已齒及三齡。懇請賞給封號等語。朝鮮於藩服最為恭順。是以恩賚便蕃。疊加優厚。茲因誕育家嗣。懇請封號。殊堪欣慶。著准其所請。俾益綿宗緒。永守藩封。所有應封典禮。該部查例具奏。欽此。尋遣使齎

敕封李暉為朝鮮國王世子。○五十一年。暹羅國長鄭華遣使入貢。並具表請封。照康熙十二年之例。

內閣撰擬

詰命。禮部鑄造駝紐鍍金銀印。於

午門前。交該國貢使祇領。恭齎回國。○五十三年。

兩廣總督遵

旨冊封安南國嗣孫黎維祁為安南國王。並頒給印信。
○五十四年。安南國內訌。黎維祁棄印潛逃。國
人推阮光平為國長。啟關內附。並求親自到京
瞻

覲。遂

命廣西按察使齎

敕封阮光平為安南國王。並頒給駝紐鍍金銀印。○五
十五年奏。朝鮮國王。先因世子李暉已故。今副
室生男。當即為奏請。

冊封。但冲幼不能拜跪行禮。請待其稍長。以永方來之福。奉

旨。著照該國王所請。○又

封緬甸國長孟隕為阿瓦緬甸國王。給予

敕書。並駝紐鍍金銀印。交貢使恭齋回國。○又

封安南國王阮光平長子阮光纘為世子。○五十八年。

命廣西按察使齋

敕封安南國世子阮光纘為安南國王。○六十年。南掌

國王召溫猛遣使請封。給予

誥敕。並駝紐鍍金銀印。交貢使恭齋回國。○嘉慶四年。

遣使齎

敕封琉球國王世孫尚溫為琉球國王。○五年。遣使齎
敕封朝鮮國王李祘之子珣為世子。尚未啟行。適該國
王李祘薨逝。即以

冊封世子之正副使往

封李珣為朝鮮國王。○又奏准前往朝鮮

諭祭

冊封之正副使等。車馬向係自備。嗣後照前往琉球安
南例。一體給予勘合。○七年。農耐國長阮福映
與安南構兵。阮光縉棄印潛逃。阮福映併有安

南之地遣使納貢請封懇

賜建國名號並縛獻海洋逋盜多名恪恭請

命奉

旨改稱越南照例給予

誥命

敕書並駝紐鍍金銀印

命廣西按察使帶同來使前往宣

封阮福映為越南國王○十二年以琉球國王尚溫薨

逝世子尚成權署國事未及請封病故遣使齎

敕封該國世孫尚灝為琉球國王並給予故國王尚溫

卹典。其已故世子尚成。追封王爵。給予

誥命。及銀絹祭文。均交封使齎往。○十五年。暹羅國遣使入貢。並請封世子鄭佛為國王。照例給予

誥命銀印。交該國使臣祇領。恭齎回國。○十七年。遣使

齎

敕封朝鮮國王李琮之子吳為世子。○二十四年

諭南掌國。自內附以來。乾隆五十九年。曾經

頒給敕印。嗣因該國王召溫猛。悞懦不振。流徙越南。經

越南國王將

敕印恭繳。念其流離。不加聲責。該國事聽其以召蛇紫

代辦。現據召蛇榮之子召蟒塔度臘虔修職貢。籲懇再頒敕印。著加恩俯允所請。再行頒給。以示懷柔。○又覆准前繳印信字畫完好。毋庸另鑄。於頒給敕印外。照例再頒給

誥命一道。交召蟒塔度臘祇領。○道光元年。遣廣西按察使潘恭辰齎

敕封越南國世子阮福蛟為越南國王。○五年

諭暹羅國世子鄭福應行承襲。現在權理國政。因值例貢之期。虔備方物。遣使入貢。並懇請敕封。該使臣在洋遭風。擊碎船隻。淹斃水手多名。深堪憫惻。該使臣

等萬里航海。幸獲生全。朕念其遠道申虔。即與詣闕。齎呈無異。自應優加撫恤。該使臣等。即令其在該省。休息調養。毋庸遠道來京。應領誥敕。著該衙門照例。撰擬。俟頒發到粵。該督撫等。即交該使臣齎奉回國。

○十一年。朝鮮國王李瑠請封嫡孫李奭為世孫。奉

旨。該國王既稱伊子早逝。伊孫李奭器質粹美。國人繫望。援引乾隆二十八年成案。請封世孫。以定國本。情詞懇切。著照所請行。欽此。尋遣使齎

敕封李奭為朝鮮國王世孫。○十五年

諭朝鮮國王李珣已故。長子李昊前經封為世子。因其
早逝。未及襲爵。今該國王妃金氏。請以世孫李奭襲
封國王。因為故世子李昊陳請追賜爵諡。及世子婦
誥命。該部照例議駁。固是。但念其以宗統繼序為請。
情詞懇切。揆之禮制。事屬可行。著加恩給予爵諡。誥
命。該部即遵照辦理。欽此。尋遣使齎

敕封朝鮮國世孫李奭為朝鮮國王。

贈故世子李昊為國王。諡康穆。妻為王妃。○十七年。遣

使齎

敕封琉球國世子尚育為琉球國王。○又遣使齎

敕封朝鮮國王李奐正室為王妃。○二十一年。越南國王阮福暉薨逝。遣使齎

敕封世子阮福暉為越南國王。○又

諭。據禮部奏查明南掌國承襲王爵。應頒誥敕等語。著即遵照嘉慶二十四年成案。於敕書外再行頒給誥命一道。以符定制。俟該國年貢使臣到京時。一併給該使臣敬謹齎交該國王祇領。○二十二年。遣使齎

敕封召喇嘛呢呀宮滿為南掌國王。○二十五年。遣使

齎

敕封朝鮮國王繼室為王妃。○又

諭向來派往朝鮮使臣。隨帶通官。每至五六員之多。因思朝鮮職貢往來。語言熟悉。通官本可酌減。且恐該通官等隨至該國。或有騷擾需索等事。非所以示體恤。此次冊封朝鮮王妃之使臣。著隨帶通官一員。嗣後凡遇派往朝鮮使臣。俱照此辦理。○二十八年。越南國王阮福璇薨逝。遣廣西按察使齎

敕封阮福時為越南國王。○二十九年。朝鮮國王李昪薨逝。遣使齎

敕封李昇為朝鮮國王。○咸豐二年。遣使齎

敕封朝鮮國王李昇妻為王妃。○又奏准。厯屆往封朝

鮮正副使奉

旨派出。均在二十餘日以後起程。此次若照成案。該正副使等。應於本月二十間。即須起程。計行至該國。尚在四月初旬。宣

旨敕封。若用吉服將事。則在未經釋服之前。若用素服將事。則非優禮外藩之道。擬令該正副使於三月初旬起程。計行至該國。已在四月十一日以後。其應用服色及入燕之處。均可照定例舉行。

○同治三年。朝鮮國王李昇薨逝。遣使齎

敕封李熙為朝鮮國王。○五年。遣使齎

敕封朝鮮國王李熙正室為王妃。○又遣使齎
敕封尚泰為琉球國王。○光緒元年遣使齎

敕封朝鮮國王李熙之子圻為世子。

貢期。○崇德二年定朝鮮每年進貢一次。並

聖節元日冬至三大節為四貢同進。○順治十一年
定琉球貢期二年一次。○十三年

諭荷蘭國慕義輸誠航海修貢念其道路險遠著八年

一次來朝。○康熙二年覆准安南貢期三年一次。○

四年定暹羅貢期三年一次。○七年奏准嗣後

安南國入貢將三年一貢之例改為六年兩貢。

○二十五年覆准荷蘭國入貢原定貢期八年一次今該國王感被

皇仁更請定期改為五年一次○雍正元年奉

旨朝鮮國所進萬壽表文貢物不必於九月內來京著仍照例於十二月內與年貢並進○七年

諭朝鮮國世篤恭順虔修職貢昔蒙

世祖章皇帝軫念藩封特頒

敕諭令

聖節元旦冬至表儀皆准與年貢同進以彰柔遠至意近見該國王於領受賞賚等事皆遣使臣齎表奏謝

朕念該國距京三千餘里。貢使往來。未免勞費。嗣後凡屬謝恩表章。皆著與三大節表一同齎奏。不必特遣使臣。永著為例。○八年覆准。南掌貢期。定為五年一次。○乾隆八年。蘇祿國王齎表進貢。奉

旨。覽王奏具見悃忱。爾國遠隔重洋。再修職貢。良可嘉尚。至所請三年復貢之處。恐該國道遠。風信難期。著仍遵雍正五年所頒

敕諭。酌俟五年之外。一修歲獻之

旨行。○又

諭。南掌國貢象。舊例以五年為期。朕思該國僻處天末。

遠道致貢。未免煩勞。著改為十年一貢。○五十五年定。緬甸貢期。十年一次。○五十七年議准。安南貢期。改為二年一貢。四年遣使來朝一次。○嘉慶八年議准。越南國貢期。仍如安南舊例。二年一貢。四年遣使來朝一次。○道光十二年

諭。外藩遣使進貢。入關後。即飭該使臣趕緊起程。並飭伴送官沿途照料。妥速行走。務於十二月二十日以前到京。以符定制。○十六年

諭。梁章鉅奏貢使進關日期一摺。越南國於明歲例屆貢期。所有該國齎貢使臣。著准其於明年七月到京。

○十七年

諭鄧廷楨等奏暹羅國遣使入貢。船已抵省。著即派委妥員伴送使臣。令其於本年封印前到京。○十九年諭。向來越南國二年一貢。四年遣使來朝一次。合兩貢並進。琉球國間年一貢。暹羅國三年一貢。在各該國抒誠效順。不敢告勞。惟念遠道馳驅。載塗雨雪。而為期較促。貢獻頻仍。殊不足以昭體恤。嗣後越南琉球暹羅均著改為四年遣使朝貢一次。用示朕綏懷藩服之至意。○二十年

諭。吳文鎔奏琉球國遣使來閩。籲請照舊間年進貢一

摺。向來琉球國間歲一貢。上年降旨。改為四年遣使朝貢一次。原所以示體恤外藩。茲據該撫奏該國王遣使來閩。請照舊例年進貢。情詞極為真摯。著如所請行。○二十三年

諭。前經特降諭旨。嗣後越南琉球暹羅。均著改為四年遣使朝貢一次。以昭體恤。茲暹羅國王因未接奉改定貢期公文。以致仍照舊例。遣使呈進方物。並進二十一年萬壽及補進二十年貢物。具見該國王恭順至誠。所有此次貢物。准其於本年呈進。○二十四年諭。周之琦奏。越南國以乙巳年係屆貢期。請示何時進

關一摺。越南國久列藩封。明年屆例貢之期。自應令該使臣恭詣闕廷。俾伸誠悃。著於道光二十五年封印前到京。○二十八年

諭。鄭祖琛奏。越南國豫期請示來年正貢進關日期一摺。越南國久列藩封。明年屆例貢之期。自應令該使臣恭詣闕廷。俾伸誠悃。著於道光二十九年七月內到京。該撫即酌定進關日期。知照該國遵照辦理。○

咸豐二年

諭。越南國久列藩封。明年例貢屆期。自應令該使臣恭詣闕廷。俾伸誠悃。著於咸豐三年五月內到京。○六

年

諭越南國王阮福時以丁巳年正貢屆期。咨呈勞崇光奏請於何月進關。計程恭進方物等情。具見該國王誠悃可嘉。惟現在用兵省分。尚未能一律肅清。若令繞越程途。遠來跋涉。轉非所以示體恤。所有越南國此次例貢。著緩至下屆兩貢並進。用副朕懷柔遠方至意。○十年

諭劉長佑奏越南國入貢屆期。察看道路情形。請旨遵行一摺。現在廣西南太潯梧等府軍務未竣。道路尚多梗阻。所有越南國丁巳辛酉兩屆例貢。著暫行展

緩。俟該省軍務平靖後。再由該撫具奏。○同治三年
諭。張凱嵩奏。越南國正貢屆期。據情代奏一摺。越南國
王阮福時以乙丑年正貢屆期。請將丁巳辛酉兩貢。
一併恭進。咨呈張凱嵩奏請於何月進關。計程恭進
方物等情。具見該國王誠悃可嘉。惟現在廣西南甯
太平二府。道路尚多梗阻。若令繞越程途。遠來跋涉。
轉非所以示體恤。所有越南國丁巳辛酉兩貢。並明
年乙丑應進例貢。仍著暫行展緩。俟該省軍務完竣。
由該撫奏明請旨。

貢道。○崇德二年定。朝鮮貢道由鳳凰城。○順

治八年議准。琉球貢道由福建。○十三年議准。荷蘭貢道由廣東。○康熙元年議准。緬甸貢道由雲南。○四年議准。安南貢道由廣西太平府。○六年議准。西洋貢道由廣東。○又議准。暹羅貢道由廣東。○二十五年覆准。荷蘭貢道改由福建。○雍正二年議准。安南國貢使進京。廣西巡撫給予勘合。由廣西湖南湖北江西江南山東直隸水路行。回日由部照原勘合換給。仍由水路歸國。○又

諭。向來驛遞供給差遺。多有騷擾。曾降諭旨。定例外不

許溢額。今安南國王慶賀登極大禮遣使遠來。應加
恩恤。其經過地方供給日用酌量加增。○四年議准
蘇祿貢道由福建。○七年議准南掌貢道由雲
南。○乾隆六十年奏准。此次安南貢使改由廣
西水路經廣東之肇慶等府至江西沙井起旱
取道入京。○嘉慶七年定越南貢道由陸路至
廣西憑祥州入鎮南關由水路達

京師。○道光九年

諭。外夷各國貢道或由水路或由陸路定例遵行。未可
輕言改易。越南國遣使來京進貢。自康熙年間議定

由陸路行走。今該國陪臣於進表後。在禮部呈遞。稟
啓欲改由廣東水路。該部以事涉更張。實不可行。議
駁甚。是所有該陪臣稟請改由水路。以省勞費之處。

著毋庸議。

謹案安南貢道。康熙四年。原定由廣西水路。均由鎮

南關入。此次該國使臣因國都遠。當春城。視舊

都昇龍。進關程途較遠。欲改由國城越海抵廣

東。沿水路行。不由鎮

南關入。是以議駁。○咸豐三年奏准越南貢

道。現因武漢兩府兵燹未靖。改由長沙常德徑

赴荊州。取道襄陽進京。○又

諭。張亮基奏越南貢使請暫留荊州等語。著即妥為安

置。毋任稍有疏失。一俟前途肅清。再為護送前進。○

八年

諭。本年琉球貢船到閩後。著王懿德等察看情形。如未能依限進京。即飭官伴人等。照例安插館驛守候。表文方物存儲司庫。俟各處道路疏通。再行派撥文武各員。伴送赴京。以示體恤。○十一年奏准。琉球貢船在閩守候。俟道路稍通。即行進京。○同治六年奏准。東省捻氛不靖。琉球使臣等應由水路改道前進。○又奏准。琉球使臣事竣。改道回國。知照直隸。山東。河南。安徽。江蘇各督撫。轉飭沿途地方官。隨時偵探。妥為護送。○八年奏准。暹羅

國貢道照舊航海。至廣東虎門起旱馳驛。毋庸改從海道由天津進京。○光緒元年奏准。朝鮮國貢包經過奉省各境。務須恪遵定例。派員押解。設法催趕。更須由驛通行。不得任意改從水道。○又覆定。朝鮮國副使請往天津。煙臺探各關港稅務。從海道回國。數與定例不符。飭仍由陸路回國。○又

諭。越南使臣定例由鎮南關經廣西北上。邇來法人構兵。越地道途多梗。據該嗣王阮福昇文稱。現在權攝邦事。循例遣使。懇准由海道進京。叩陳等語。

情詞迫切。自應准如所請。暫予變通。以示體恤。藩
服之意。著李鴻章。左宗棠。張樹聲。曾國荃。裕寬。倪
文蔚。密咨該國嗣王。此次暫准貢使由海道徑詣
廣東省城。再附招商局輪船赴津入都。該使行李
及貢物。准其查驗免稅。如有附帶商貨。仍令照例
納稅。沿途經過地方。並著該督撫等飭屬一體妥
為照料。將來該使臣到京一切事宜。著禮部仍照
向例辦理。

欽定大清會典事例卷五百三

禮部

朝貢貢物一

貢物。崇德二年定。朝鮮貢物。年貢黃金百兩。
白金千兩。苧布二百疋。各色綿紬四百疋。各色
木棉布四千四百疋。龍紋席二。花席二十。鹿皮
百。水獺皮四百。豹皮百四十有二。青黍皮三百。
佩刀十。大小紙五千卷。米百石。

萬壽聖節禮物。各色苧布三十疋。各色綿紬七十疋。龍
紋席二。各色花席六十。豹皮十。水獺皮二十。白

棉紙二千卷。厚油紙十部。元旦冬至二節。減綿紬三十疋。及水獺皮油紙二種。

皇后千秋節。苧布三十疋。綿紬三十疋。花席三十。元旦冬至二節。加螺鈿梳函一具。○三年。朝鮮國王恭進慶賀方物。苧布六十疋。綿紬七十疋。龍紋席二。花席四十五。豹皮五。白棉紙二千卷。又進謝

恩方物如之。又陳奏方物。減苧布二十疋。花席五。加水獺皮二十。青黍皮三十。筆百枝。墨五十笏。恭進皇后苧布二十疋。綿紬二十疋。花席二十。○順治元年

議准。外國朝貢。以表及方物為憑。該督撫查驗的實。方准具題入貢。○又定。貢使到京。所貢方物。會同館報部。提督該管司官。赴館查驗。撥役管領。由部奏。

聞。貢物交內務府。象交鑾儀衛。馬交上駟院。刀。鹿皮。青。黍皮等物。交武備院。硫黃。於未到京時。先交督撫收存。○十一年。琉球國王世子尚質進貢。慶賀方物。金飾柄匣佩刀。銀飾柄匣佩刀。金酒瓶。銀酒瓶。泥金畫屏。泥金扇。泥銀扇。蕉布。苧布。紅花。胡椒。蘇木。又恭進二年一次常貢方物。馬。

十匹。螺殼三千。硫磺萬二千六百斤。○十三年。

荷蘭國王恭進

御前方物。鑲金鐵甲。鍍金馬鞵。鑲銀劍。烏銃。銃藥袋。鑲銀千里鏡。玻璃鏡。八角大鏡。珊瑚。珊瑚珠。琥珀。琥珀珠。哆囉絨。嗶嘰緞。西洋布。花被面。大氎毛。纓子。香番木。蔻五色番花。桂皮。檀香。恭進

皇后方物。玻璃鏡。玳瑁匣。玻璃匣。烏木飾人物匣。珊瑚珠。琥珀珠。琥珀。哆囉絨。嗶嘰緞。西洋布。白倭緞。花氎花被面。玻璃盃。花石盒。白石畫。番薇露。又使臣進貢方物。哆囉絨。倭緞各二疋。嗶嘰緞六

疋。西洋布二十四疋。琥珀十塊。琥珀珠珊瑚珠各二串。鏡一面。人物鏡四面。白石畫二面。鑲金刀。鑲銀刀各一把。烏槍長槍各二杆。玻璃玉雕花木盒。石山匣各二箇。纓帽一頂。皮小狗二箇。花鸚哥一箇。四樣酒十二瓶。薔薇露二十壺。○十八年。安南國王。差陪臣奉表投誠。入貢方物。金花鑪。花瓶。銀盆。沈香。速香。紫降香。白木香。黑綫香。白絹犀角象牙。○康熙元年定。朝鮮國每年進貢。

太皇太后

皇太后二大節。及遇慶賀謝

恩。陳奏進貢方物。均與進

皇后禮同。○三年定。外國慕化。來貢方物。照其所進收

受。不拘舊例。○是年。琉球國王。因謝

敕封

恩。進貢方物。金飾佩刀。銀飾佩刀。漆柄大刀。漆杆槍。漆
盔甲。泥金畫屏。泥金扇。泥銀扇。畫扇。紅銅胡椒。
絲綿。土苧布。蕉布。○四年。覆准。琉球國王補進
慶賀貢物。與順治十一年同。貢船在梅花港口
遭風。飄失貢物。免其補進。○是年。暹羅國王。差

陪臣八貢

御前方物。龍涎香。西洋閃金緞。象牙。胡椒。膳黃。豆蔻。速香。烏木。大楓子。金銀香。蘇木。孔雀龜。凡十有三種。

皇后前方物並同。各減半。

例於常貢外有如貢無定額。

○五年琉球

國王補貢四年方物奉

旨。琉球國王補進飄失貢物。具見恭順。但前已有旨免進。這補進金銀器皿。仍著發還。○六年琉球國王進常貢方物。加紅銅五百斤。螺鈿漆盤十。○又覆准。琉球進貢硫磺。應留福建督撫收儲。餘貢物。

令該撫差人解送。來使不必到京。即給賞遣回。
下次貢使。仍令齎表入京。○是年。荷蘭國王進
貢方物。大馬鞞。鑲金鑲銀銃。起花金刀。哆
囉呢。嗶嘰緞。嗶嘰紗。荷蘭絨。大花緞。荷蘭五色
大花緞。大紫色金緞。紅銀緞。大珊瑚珠。五色絨
毯。五色毛毯。西洋五色花布。西洋白細布。西洋
小白布。西洋大白布。西洋五色花布。襖。大玻璃
鏡。玻璃鑲燈。荷蘭地圖。小車。大西洋白小牛。並
進大琥珀。丁香。白胡椒。大檀香。大象牙。並琉璃
器皿一箱。又使臣進貢方物。珊瑚珠四串。琥珀

一塊。沈香六塊。蜜蠟金匣。銀盤盛珠銀盒各一箇。大雞蛋四箇。二眼長槍。二眼馬銃。小鳥銃各二把。鐵甲一領。白爾善國緞褥一條。哆囉絨十疋。海馬角二塊。小馬銅獅各一箇。小狗二箇。銅山一架。銅礮二對。刀二把。照水鏡四面。薔薇露二十罐。○八年。琉球國王入貢。於常貢外。加貢紅銅千斤。絲煙百匣。螺鈿茶鍾百。○九年。西洋國王阿豐肅。遣陪臣奉表。入貢方物。國王畫像。金剛石飾金劍。金珀書箱。珊瑚樹。珊瑚珠。琥珀珠。伽枻香。哆囉絨。象牙。犀角。乳香。蘇合油。丁香。

金銀乳香花露花幔花氈。凡十有七種。○十年。
琉球國世子尚貞入貢。於常貢外。加貢繫煙番
紙蕉布。○十二年

諭暹羅國航海遠來。抒誠進貢。其蟲蛀短少等物。免令
補進。嗣後各國皆照此例。○十七年。西洋國王遣陪
臣奉表貢獅子。○二十年奉

旨。琉球國進貢方物。以後止令貢硫磺海螺殼紅銅。其
馬匹絲煙螺鈿器皿。均免進貢。○二十一年。

聖祖仁皇帝恭謁

祖陵。朝鮮國王遣陪臣至

盛京迎接。進貢方物。豹皮。鹿皮。水獺皮。青黍皮。倭劍。全鰓。八帶魚。大口魚。海參。海帶。菜。紅蛤。浮椒。白蜜。柏子。銀杏。黃栗。柿乾。○二十三年。琉球國王尚貞。因

敕封謝

恩。進貢方物。與康熙三年同。又以

特賜

御書。加貢金鶴一對。○二十五年奉

旨。朝鮮國王謝恩。引罪。進獻禮物。嗣後均停收。○是年。荷蘭入貢方物。哆囉絨十疋。烏羽緞四疋。倭緞

一疋。嗶嘰緞二十疋。織金花緞五疋。織金大絨
毯四領。白幼軟布二百十九疋。文彩幼織布十
五疋。大幼布三十疋。白幼毛裏布一百疋。大珊
瑚珠六十八顆。琥珀十四塊。照身鏡。江河照水
鏡各二面。照星月水鏡一面。自鳴鐘一座。琉璃
鐙一架。聚耀燭臺一懸。琉璃盃五百八十箇。象
牙五枝。鑲金鳥銃。鑲金馬銃。小馬銃。起花佩刀
各二十把。馬銃。鳥銃。鑲金刀劍。利闊劍各十把。
彩色皮帶二十佩。繡皮帶十佩。起花劍六把。火
石一袋。雕製夾板船大小三隻。丁香三十石。檀

香二十石。冰片三十二斤。肉豆蔻四甕。丁香油
薔薇花油。檀香油。桂皮油各一罐。葡萄酒二桶。
○又覆甓。荷蘭道路險遠。航海艱辛。嗣後進貢
方物。酌量減定。令貢珊瑚。琥珀。哆囉絨。織金毯。
罽毼。緞。自鳴鐘。鏡。馬。丁香。檀香。冰片。烏槍。大石。
餘均免貢。○又荷蘭使臣進貢方物。銀盤。銀瓶。
各一箇。西洋刀頭六柄。荷蘭花緞。哆囉呢。羽緞。
各一疋。哆囉絨。四疋。倭絨。織金絨。緞。罽毼。緞。各
二疋。西洋咭馬氏布。西洋毛裏布。西洋沙喃袍
布。西洋佛咬嘮布各二十疋。○二十七年。琉球

國因准陪臣子弟入監讀書。於常貢外。加貢園
屏紙三千張。嫩蕉布五十疋。○是年奉

旨。琉球國航海入貢。途遠勞煩。海螺殼嗣後免進。○三
十二年奉

旨。朝鮮世篤悃忱。克殫恭順。頃復輸應軍需。捐進烏槍
三千可嘉。年貢內黃金百兩。及藍青紅木棉。嗣後永
著停止。○是年。琉球國以免常貢海螺殼。補進白銅
錫千斤。○三十七年。朝鮮國王為平糶及賞給
米穀。恭進謝

恩禮物。奉

旨。為平糶謝恩禮物發回。為賞給米穀。所進謝恩禮物
在收。○三十九年

諭朝鮮國王因送回飄溺人民賞賜謝恩。其禮物不必
收。嗣後此等奏謝。著停其進貢。○四十七年。暹羅國
王遣陪臣恭進表文。入貢方物外。加貢物九件。
其副貢船貢馴象二隻外。加貢金絲猴二。○五
十一年

諭朝鮮國慎守封圻。恪循儀度。四十餘年來。未嘗稍懈。
朕用嘉美。將該國貢典。屢加裁減。至於甚輕。今貢物
內有白金千兩。紅豹皮百四十二張。猶恐艱於備辦。

嗣後將二項永停貢獻。○又覆准朝鮮國前次謝

恩禮物。既停收受。復念路途遙遠。帶回維艱。著與收留。
准作本年貢物。今該國復進禮物謝

恩。又遵

旨蠲免。仍照前例准留作貢物。但所貢筆墨。不在貢例。
豹皮已永停貢獻。仍交來使帶回。○五十四年
覆准朝鮮國謝

恩禮物。久已停收。留作正貢。復行曉諭該國王。嗣後謝
恩照常進表。其禮物不必進獻。○五十五年奉

旨。安南路遠。解送重物。甚屬勞苦。嗣後犀角象牙。免其

進獻金香爐花瓶銀盆。准折作金銀。同其餘貢物。均交廣西藩庫收儲。如有應用之物。內務府咨部移咨該撫。兼官解送。○五十六年。安南國王嗣子黎維禔。以

謝旨。軫念該國路遠。免其解送重物。請遣陪臣謝

恩。照例准其進貢之年進表。○五十九年。暹羅國王遣陪臣恭奉金葉表文。貯以金筒。裹以錦袱。上飾金珠三。金圈七。盒二重。內盒飾螺鈿。外盒飾金紫梗牌二。入貢馴犀。又貢使呈稱國王命。加貢西洋金緞二。大西洋闊宋錦一。○雍正元年

論朝鮮國自歸順我朝。恪共藩職。

列聖以來。屢次施恩。減免貢物。今所貢或尚有可減者。著確議具奏。欽此。遵

旨議定。朝鮮貢物。明時有金銀器皿人蔘馬匹。寧布錦絢等數十種。裁

太宗文皇帝崇德二年。免本年常貢之半。五年。免貢米九千包。

世祖章皇帝時。凡金銀器皿人蔘馬匹。概予停免。

聖祖仁皇帝康熙三十二年。免黃金百兩。青紅藍木棉布六百疋。五十一年。免白金千兩。紅豹皮百四

十二張。視明時貢物。已免過半。今惟年貢內。可減去青氎皮三百。水獺皮百。木棉布八百疋。白棉紙二千卷。餘貢如常。○二年。琉球國王恭進慶賀。

登極方物。金銀飾佩刀。金銀瓶。泥金畫扇。扇圍屏。絨紅銅。白銅。錫。蕉布。夏布。恭進。

皇后金銀粉匣。扇。蕉布。夏布。○又安南國王慶賀登極。並謝。

恩恭進方物。均如常貢。○又暹羅國進獻穀種。果樹。洋鹿。獵犬等物。奉。

旨。暹羅國欽遵

聖祖仁皇帝諭旨。不憚險遠。進獻諸物。最為恭順。殊屬可嘉。其穀種鹿犬。已經差官送至。各種果樹。俟來歲春和。再行委解。○三年奉

旨。朕垂念遠方。時存軫恤。朝鮮國既有哀戚之事。其因賜祭謚謝恩禮物。朕心甚為不忍。著不必收納。至封王所貢儀物。照例收受。○是年。西洋伊達里亞國教化王伯納第多。遣使奉表慶賀

登極。進貢方物。厚福水綠玻璃鳳壺。各色玻璃鼻煙壺。玻璃碁盤。碁子。壺阿喇波羅。玉蜜蠟。玉小玉小

瓶。小刀柄。法瑯小圓牌。銀累絲連座船。四輪船。
瓶。花大小花盤。小花瓶。小漏盤。小銅日晷。水晶
滿堂紅鐙。喀什倫鼻煙罐。蓋盃。綠石鼻煙盒。帶
頭片。各寶鼻煙壺。玩器。圓毬。素珠。實地銀花盤。
花匣。小罐。素鼻煙盒。花砂漏。鑲寶石花。綫花畫
皮畫。皮扇面。畫繡花紙盤。花紙盤。花石。鐵花盆
巴爾薩木油。阿噶達片。番銀筆。裏金規矩。鑲牙
片。瑪瑙刀柄。鼻煙壺。珠。各色石鞭頭。小石盒。珊
瑚珠。香枕。囊。大漆石印紐。大漆八包。顯微鏡。火
鏡。照字鏡。大紅羽緞。周天毬。鼻煙。凡六十種。○

四年。琉球國王謝

賜御書恩。恭進金鶴一對。嵌螺黑漆盤碗各三十件。彩屏一對。扇二百柄。紙一萬張。青花蕉布五十疋。白花蕉布五十疋。○是年

諭琉球國王因朕頒賜御書扁額。及綵緞玉器等件。特遣使臣進表謝恩。貢獻儀物。具見悃誠。朕加惠遠藩。不受貢物。但既航海遠來。不忍令其帶回本國。向來朝鮮國王進獻禮物。若不收受。有交送內務府存留。准作年貢之例。今琉球國王所進禮物。准作三年一次正貢。○又覆准。安南國王恭進謝

恩禮物應令暫停。仍照定例。俟正貢之年。一併具表赴京。○五年奉

旨。朝鮮年貢之例。每年貢米百石。朕念該國路途遙遠。運送非易。著減去稻米三十石。糯米三十石。每年進貢糯米四十石。足供祭祀之用。永著為例。○是年。西洋博爾都噶爾國王若望。遣使麥德樂等。具表慶賀。恭請

聖安。因進方物。大珊瑚珠寶石素珠。金法瑯盒。金鑲喀什倫瓶。蜜蠟盒。瑪瑙盒。銀鑲喀什倫盒。藍石盒。銀鍍金鑲玳瑁盒。銀鍍金鑲雲母盒。各品藥露。

五十瓶。金絲緞。金銀絲緞。金花緞。洋緞。大紅羽
緞。大紅哆囉呢。洋製銀柄武器。洋刀。長劍。短劍。
鍍銀花火器。自來火長槍。手槍。鼻煙。葛巴依瓦
油。聖多默巴爾撒木油。壁露巴爾撒木油。伯肋
西里巴爾撒木油。各品衣香。巴斯第里葡萄酒。紅
露酒。葡萄酒。黃露酒。白葡萄酒。紅葡萄酒。咖什倫
各色法瑯烏木。鑲青石卓面。鑲黃石卓面。烏木
鑲各色石花條。卓織成遠視畫。凡四十一種。其
來使呈稱國王蒙

聖祖仁皇帝撫恤多年。恭逢

皇帝御極。仍一視同仁。感戴

洪恩。敬備方物。願恭奉至

御前。親身進獻。庶得達國王敬奉

皇朝之盛心。其表文由內閣繙譯。貢物由部具奏。奉
旨。准其進獻。○又蘇祿國王母漢末母拉律林。遣正使
奉表入貢方物。珍珠。玳瑁。花布。金頭牙。薩。白。幼
洋布。蘇山竹布。燕窩。龍頭花刀。夾花標槍。滿花
番刀。藤席。猿。凡十有二種。○六年議准。琉球國
前進謝

恩禮物。奉

旨存留作貢。今循舊例。進到四年正貢。應遵前旨。存留作六年正貢。其六年應進表文。仍令遣使恭進。

○七年

諭。據福建巡撫奏稱。琉球國中山王尚敬。差耳目官毛鴻基等進貢方物。照例進港。安插館驛。朕以琉球歷來恪守臣節。不失貢期。而地處重洋之外。使臣遠涉風濤。深可軫念。是以令其四年進貢方物。准作六年正貢。其六年應進表文。俟八年正貢。一同恭進。所以寬其朝貢之期。與海邦休息之意也。今該國王以未接部文。仍按期遣使。實因未知朕之明旨。並非有違。

成例。且其船已經進港。行李已安頓館驛。寧可以不
合例而卻之。使空往返於洪濤巨浪中乎。著照例准
其入貢。該撫委官伴送來京。一應廩餼舟楫。悉遵二
年例。從厚辦給。○又

諭琉球處重洋之外。奉表修貢。遠涉風濤。朕心深為軫
念。是以從前降旨。將雍正四年該國王所貢謝恩儀
物。准作六年正貢。以示恩眷。今該國王以六年正貢
之期。仍遵定制。遣使奉表。情辭懇切。具見悃誠。著將
六年貢物。准作八年正貢。若八年貢物。已經遣使起
程。即准作十年正貢。○是年。暹羅國王遣陪臣朗微

述申黎呼等。齋金葉表文。儲以金箔錦囊。與康熙五十九年同。八貢

御前方物。馴象龍涎香。幼鑽石。冰片。沈香。犀角。孔雀尾。翠鳥皮。象牙。速香。安息香。紫降香。豈寇。藤黃。胡椒。大楓子。烏木。畢撥。紫梗。桂皮。兒茶皮。樟腦。硫磺。檀香。樹膠。香織金。頭白。袈裟。桃紅。袈裟。幼花布。闊幼花布。織金。頭白。幼布。闊紅布。花布。幔大荷蘭。氈。冰片油。薔薇露。

皇后前方物。不進象。餘物減半。又加進寶劍。仗劍。金地交枝柳條版帶。奉

旨。暹羅國王遣使遠來。貢獻方物。具見惓誠。朕念該國
遠隔海洋。齎送不易。欲酌量裁減。以示恩恤。遠藩之
意。但此次貢物。既齎送前來。難以帶回。著照往例收
納。其常貢內有速香。安息香。胡椒。紫梗。紅白袈裟。布疋等十件。無必
須用之處。嗣後將此十件。免其入貢。永著為例。欽此。
遵

旨議定。免貢速香。安息香。胡椒。紫梗。紅白袈裟。白幼布。
幼花布。闊幼花布。花布。幔等物。

皇后前照此免貢。○八年。安南國王黎維禔。遣陪臣丁
輔益等。進四年七年正貢。又為謝

賜御書書籍緞幣寶玉器皿。恭進禮物。並進金龍黃紙二百張。玳瑁筆百枝。斑石硯二方。土墨二包。又為

賜給疆地。及准貢使經由水路。各進謝

恩禮物。照例收受。又貢進奏事禮物。停收。○又南掌國蘇瑪喇薩提拉島孫。差頭目叭猛花。叭猛腊。叭細禮。松發帶。先目後生人等到京。奉銷金緬字蒲編表文一道。貢馴象二隻。○九年

諭。朕因琉球地處重洋之外。奉表修貢。深為軫念。曾經降旨。將雍正八年貢物。准作十年正貢。今該國王奏

請按期入貢。情辭懇切。具見悃誠。著仍遵前旨。若十年貢物已經起程。即准作十二年正貢。十一年不必遣使前來。○是年。琉球國官生業成歸國。國王加進謝

恩禮物。嫩蕉布百疋。圓屏紙五十張。照例收受。○十二

年

諭。琉球國八年進貢。曾經降旨。准作十年正貢。今該國王復行奏請。仍遵舊典。按期入貢。情辭懇切。具見悃誠。著仍遵前旨行。○乾隆元年。南掌國王遣使進貢。馴象二隻外。備餘象三隻。○是年。暹羅國入貢

方物。加進金緞二疋。花幔一條。○二年。琉球恭進慶賀方物。與雍正二年同。○又

諭。朝鮮國王為請封世子進獻禮物。若仍令來使齎回。未免徒滋往返。著暫留收儲。准作來年正貢。○六年。琉球國進謝

賜御書恩禮物。照雍正四年例。留准七年正貢。該使呈請謝

恩禮物。免其准貢。奉

旨。仍遵前旨行。○是年議准。琉球國王進到七年正貢。准作九年正貢。其九年應進表文。照例遣使恭

進。○八年。蘇祿國王蘇老丹麻喊味呵稟勝甯。
遣使進貢方物。珍珠玳瑁燕窩。跂踏牙薩蘇山
竹布滿花番刀夾花標槍凡八種。○是年。

高宗純皇帝恭謁

盛京

祖陵。朝鮮國王遣陪臣迎接。進貢方物。與康熙二十一年同。○十一年。朝鮮國王遣陪臣陳奏莽牛哨
設兵。並柵外起壘之事。恭進禮物。仍留准貢。○
十二年。朝鮮國王為停止鳳凰城展柵及莽牛
哨設兵。並柵外起壘之事謝

恩恭進禮物。仍留准貢。○十三年。暹羅國入貢方物。外
附洋船貢黑熊一隻。鬪雞十二隻。太和雞十六
隻。金絲白肚猿一隻。○十四年。暹羅國王遣陪
臣朗呵派叭提等奉金葉表文入貢。

御前方物。象二。龍涎香一斤。犀角六。沈香二斤。土琥珀
十一兩二錢。象牙。紫降香。大楓子。豈蔻。膝黃。烏
木各三百斤。胡椒。花桂皮。檳榔。齒舌皮。樟腦。檀
香。硫磺各百斤。蘇木三千斤。上冰片一斤。冰片
二斤。冰片油二十觔。翠毛六百副。孔雀尾十屏。
紅布幔十疋。荷蘭氈二塊。

皇后前不貢象。餘物各減半。又附洋船貢到黑熊鬬雞
金絲猿。令其進獻。○是年。南掌國王遣使特貢
馴象三隻。○十六年。緬甸國王遣陪臣希里覺
填。奉表入貢。

御前方物。氈緞四。緬布十有二。馴象八。

皇后前馴象二。○十七年。西洋博爾都噶爾國王若瑟
遣使進貢方物。自來火鳥槍。自來火手槍。法瑯
洋刀。銀裝蠟臺。赤金文具。喀什倫文具。螺鈿文
具。瑪瑙文具。綠石文具。赤金鼻煙盒。喀什倫鼻
煙盒。螺鈿鼻煙盒。瑪瑙鼻煙盒。綠石鼻煙盒。銀

裝春夏秋冬四季花金絲花緞銀絲花緞金絲
表緞銀絲表緞各色哆囉呢織人物花氈露酒
白葡萄酒紅葡萄酒巴爾撒木油鼻煙洋糖果
香餅凡二十八種貢使進

御前方物銀盤玻璃瓶銀架玻璃瓶意大石文具銀圓
香盒銀長香盒蜜蠟香盒翦子各一對意大石
牙籤玻璃牙籤各一異石煙盒一○十八年暹
羅國入貢加進西洋金花緞番袍金花緞夾褲
各一件西洋金緞帶三○十九年

高宗純皇帝恭謁

盛京

祖陵。朝鮮國王遣陪臣迎接。照康熙二十一年例進貢。
內銀杏黃栗、易廣魚、榛子二種。○是年。蘇祿國
王蘇老丹麻喊味安柔律噶。遣陪臣進貢方物。
珍珠玳瑁、燕窩、花藤席、花刀、花槍、花鏢、瓜、鵝、鐘、
唎、哮、丁香、跂踏、竹布、龍涎香、國土一包。又該國
王請以戶口人丁編入中國圖籍。部議以窮島
荒夷。傾心嚮化。則該國之土地人民。即在
聖天子統御照臨之內。毋庸復行齎送圖冊。○二十二
年。琉球國王尚穆恭進。

冊封謝

恩禮物。金鶴盞甲。金飾腰刀。銀飾腰刀。漆飾鍍金腰刀。
漆飾鍍金槍。漆飾鍍金哀刀。黑漆灑金馬鞍。金
彩畫圓扇。扇絳綿。練蕉布。紋蕉布。苧布。白銅錫
紅銅。凡十有六種。奉

旨。中國加惠外藩。不欲頻煩貢獻。但航海遠來。又不便
令其攜帶回國。著將所進方物。留作下次正貢。○二
十四年議准。琉球國應進二十三年貢物。業已
到閩。不便令其帶回。仍遵照前

旨。留作二十五年正貢。其應進二十五年表文。俟二十

七年正貢時同進。○又琉球國遣陪臣子弟梁允治等四名入監讀書。恭進圍屏紙蕉布。與康熙二十七年同。○二十五年奏准。朝鮮國王為冊封繼室。恭進謝

恩禮物。照例免收。交來使帶回。○又朝鮮國王遣陪臣慶賀平定回部。恭進貢物。准收。○二十六年。安南國王嗣姪黎維禎。遣使請封。恭進隨表方物。沉香三十方。速香七十斤。○又議准。暹羅國貢船。在粵遭風。飄失龍涎香。桂皮。豆蔻兒。茶皮。樹膠香五件。免議。○又南掌國王准第駕公滿。遣

使進表慶賀

孝聖憲皇后七旬萬壽。貢馴象二隻。與例貢馴象二隻同進。○又議准。安南國王恭進

冊封謝

恩貢物。應照例稍停。令其於正貢之年。一併具表來京。○二十八年。朝鮮國王慶賀加上

孝聖憲皇后徽號。進獻禮物。准收。○是年。蘇祿國王遣陪臣進貢方物。珍珠鸚鵡。玳瑁燕窩。劍標槍。吹簫。藤席。西洋布。花西洋布。竹絲布。丁香粒。凡十有二種。○三十年。琉球國入監官生鄭孝德等。

業成歸國。該國王加進謝

恩貢物。與雍正九年同。○三十一年。暹羅國王森烈拍
照廣敕馬嘑陸坤司由提雅普埃遣陪臣奉金
葉表文入貢。

御前方物。馴象犀角沉香上冰片中冰片降真香大楓
子。騰黃烏木象牙。豈蔻土。璇石。蘇木。樟腦。檀香。
硫磺。畢撥兒。茶皮。樹膠。香土。桂皮。翠毛。孔雀尾。
龍涎香。冰片油。紅布幔。荷蘭氈。凡二十六種。

中宮前不貢象。餘物減半。○三十二年。安南國王黎維
禔遣陪臣恭進年貢。並因二十六年

冊封該國王。及

賜祭故國王。進謝

恩貢物。均照例收受。○是年。琉球恭進謝

恩方物。金鷄一對。盔甲馬鞞各一副。金銀飾佩刀各二把。漆飾鍍金佩刀二十把。袞刀及槍各十把。金彩畫屏一對。扇五百柄。絲綿二百束。練蕉布二百疋。紋蕉布土苧布各一百疋。紅銅。白銅。錫各五百斤。○三十五年。猛拱遣頭目興堂札貢象三隻。照例交鑒儀衛收養。○三十六年。南掌國王遣陪臣齋蒲葉表文。貢馴象二隻。慶祝

孝聖憲皇后八旬萬壽。照二十六年例。與年貢並進。○
三十七年。安南國王奏請發還該國投誠內地
民人黃公縉等。恭進陳奏貢物免收。交來使帶
回。○三十八年。朝鮮國王慶賀加上

孝聖憲皇后徽號。恭進貢物。與二十八年同。○四十年
諭。據奏整欠土目召教。景海土目刀別。遣使目四名。解
獻象牙犀角。並公具緬稟。懇求代為申悃。其應否遣
員伴送進京。請旨遵行等語。該土司等既知依期納
貢。並欲令使目瞻仰天顏。自不妨准其來京朝貢。俾
知天朝威德。益切畏懷。○是年。該使目等至京。進象

牙四對。犀角兩對。交內務府收儲。○四十一年。朝鮮國王李昫薨逝。權署國事世孫李祘請諡。恭進貢物。奉

旨。覽奏進貢方物。具見惻忱。但該國王奄逝。朕心方切痛惻。這所進禮物。不必收受。若仍令其帶回。未免徒滋往返。著暫留收儲。准作來年正貢。以示朕體恤之意。○是年。該世孫李祘又請承襲。請

追封故世子李緄。並故世子婦。恭進陳奏貢物。均奏准留抵下次正貢。○四十二年。

孝聖憲皇后升遐。禮部奏請將朝鮮國王所進狀十一

道。並隨狀禮物。遇便令該國使臣帶還。續因該國王情深感戴。不敢具領發還貢物。經部轉奏奉

旨。該國王所進禮物。本應發回。茲念其情辭懇切。具見惻忱。著准其收存。抵作本年正貢。以昭體恤。○是年。

朝鮮國王李祘為

賜祭賜諡及賜爵諡誥命。恭進謝

恩貢物。奉

旨。覽王奏謝賜祭賜諡及追贈該故世子爵諡誥命恩典。並進獻方物。具見惻忱。朕心深為軫念。所有因賜

祭賜諡及賜爵諡。詰命隨表儀物。俱准作正貢。以示
矜恤至意。○又為

欽頒改鑄清漢篆金印。恭進謝

恩貢物。均奏准留抵正貢。○四十三年。朝鮮國王為恭

上

孝聖憲皇后尊諡。恭進慶賀貢物。准作正貢。○又朝鮮
國王為該國逆臣黨謀蒙

恩敕諭

盛京將軍。山東巡撫。於該國接界邊隘海口。嚴飭
所屬留心查詰。恭進謝

恩貢物。准作正貢。○是年奏安南國王慶賀平定金川貢物內。少金龜漆扇二種。多進速香十斤。與例不符。奉

旨。凡外國進貢。正貢方物。自不可短少。若因慶賀陳奏謝恩等事加貢。間有短少。與例不符者。毋庸計較。○

又朝鮮國王恭逢

駕幸

盛京。遣陪臣迎接。照例修貢。

特賜該國王

御書扁額。並弓箭錦貂等物。恭進謝

恩貢物俱准作正貢。○四十四年。朝鮮國王遣陪臣恭進例貢。並因明歲恭逢

高宗純皇帝七旬萬壽。豫進慶賀貢物。○四十五年奉旨。覽王奏。以本年朕屆七旬。遣使於春正慶賀。具見惻誠。知道了。所有進獻禮物。不必收受。若仍令來使帶回。未免徒滋往返。著暫行留儲。准作正貢。以示朕柔遠至意。○是年。朝鮮國王復進慶賀

萬壽貢物。奉

諭。朝鮮國王世守藩封。素稱恭順。歲時職貢。祇慎可嘉。聞遇特頒敕諭及資送歸國等事。如琉球等國亦俱

奉章陳謝。惟朝鮮國王必備具土物。附表呈進。藉達
悃忱。向因專使遠來。若令齎回。徒滋跋涉。是以歷次
例准留作正貢。以示優恤。而該國王恪共職守。屆應
正貢時。仍復備物呈獻。往來繁複。轉覺多一儀文。我
君臣推誠孚信。中外一體。又何必為此繁縟之節耶。
今歲朕七旬萬壽。該國王具表稱賀。業已宣命來使
前赴行在。隨朝臣一體行禮燕賚。其隨表貢物。此次
即行收受。以申該國王慶祝之誠。嗣後除歲時慶節
正貢。仍聽其照例備進外。其餘陳謝表章。所有隨表
貢物。概行停止。毋庸備進。副朕柔惠遠人以實不以

丈之至意。著禮部傳諭該國王知之。○又朝鮮國王
為停止陳謝隨表貢物。又為慶祝

萬壽蒙

恩加賞緞疋。各具表恭進謝

恩貢物。奉

旨。覽王奏謝。知道了。前經降旨。所有陳謝表章隨進貢
物。概令停止。今該國王奉到此旨。具表稱謝。復具表
恭謝加賞緞疋。仍各具方物隨進。本不必收受。但既
專使遠來。仍令齎回。徒滋往返。若照例留作正貢。該
國王屆正貢之期。仍似向年備物呈獻。非所以示推

誠而昭體恤。此次貢物著收受。仍加賞鞞馬紬緞貂皮等物。嗣後務宜恪遵前旨。毋庸備進。若再進必令齎回。該國王其善體朕柔惠遠人以實不以文之至意。○四十六年。南掌國王召翁遣使呈進年貢。並慶祝。

萬壽。進馴象四隻。○是年。暹羅國長鄭昭恭進例貢外。加進馴象。犀角象牙。洋錫。腰黃。胡椒六種。奉

諭。據奏暹羅國長鄭昭。豫備正貢一分。具表懇請代奏。並備象牙犀角洋錫等物。以為副貢等語。該國長輸誠納貢。備具方物。所有正貢一分。自應照例送京收

納。至所備副貢。若概令齎回。致勞往返。轉非所以體恤遠人。著於副貢內止收象隻犀角二項。同正貢一併送京。交禮部於照例賞給之外。查例加賞。以示厚往薄來之意。其餘所備貢物。准其在廣省自行覓商變價。並將伊等壓贖貨物。均一體免其納稅。○又安

南國王因擎獲竄越匪犯。解送內地。蒙

恩加賞緞疋。遣使恭進謝

恩貢物。准作正貢。○又

諭。安南國王黎維禡。前因盤獲逃犯周貴。遣使押送入關。賞給緞疋等物。齎表陳謝。並備具方物。附表進呈。

念其專使遠來。不令齎回。即在留充正貢。以示優恤。
今據兩廣總督奏。該國王復行具表奏稱。接奉恩旨。
准將此次謝恩儀物。充作正貢。下方葵藿。無以將誠。
懇將此次奉進方物。仍為謝儀。洎四十八年歲貢之
期。欽遵常例奉貢等語。具見該國王恭順悃忱。深可
嘉尚。若復行卻還。轉無以達該國王述職輸忱之意。
所有此次隨表方物。該部即行收受。其四十八年應
進正貢。著減常年所進貢物之半。至嗣後該國王遇
有陳謝奉奏。一概毋庸備物隨表呈進。以副朕柔惠
遠人至意。並令該督傳知該國王遵諭行。○四十八

年奉

旨。據禮部堂官奏。朝鮮國使臣呈稱。本年遣陪臣恭赴盛京。蒙賜詩章。並賞賚物件。該國王心切獻芹之悃。謹致備物之儀。請照詳轉奏等語。今歲秋間。朝鮮國王因朕臨幸盛京。特遣陪臣迎鑒祝壽。誠敬可嘉。是以加恩賞賚。並賜詩章及古稀說。今該國王接奉後。具表謝恩。兼輸忱悃。進獻方物。尤見恪恭。所有此次呈進物件。非尋常隨表備貢者可比。俱著收受。仍加恩賞賚。以昭優眷。嗣後如有謝恩表章。該國王務體朕意。仍遵前旨。不必備進方物。禮部堂官傳諭該國

王知之。○四十九年。安南國王遣陪臣恭進慶賀謝恩貢物。准收。○五十年。朝鮮國王為欽遇乾隆五十年

奉表稱賀

國慶奉

旨。覽王奏。以朕御極五十年。特遣使臣齎表慶賀。進獻方物。具見悃忱可嘉。所有呈進物件。該衙門知道。仍加恩賞賚。以昭優眷。○又

諭。朝鮮國於藩封中臣服最久。每遇萬壽元旦冬至年節。俱備方物呈進。朕鑒其忱悃。俱令該衙門收存。仍優加賞賚。此外遇有奏賀奏謝及陳奏等事。亦均有

隨表貢物。向例皆不收受。准為下次正貢。並經降旨。令於尋常陳奏事件。不必再具貢物。而該國王仍前備進。以致備抵之物。輾轉存積。在該國王恪守成規。固屬恭順之道。但存積日久。轉相抵算。且仍有餘出者。非朕厚往薄來。體恤屬國之至意也。所有朝鮮國歷年留存各物。竟著該衙門悉行收受。仍按照原物從優加賞。嗣後該國於每歲正貢。及如千叟燕等類。特舉曠典。自應照舊備物呈進。朕亦必收受。厚加賞賚。此外凡遇尋常奏賀奏謝陳奏等事。止須備具表文。其隨表貢物。該國王務仰體朕意。恪遵諭旨。概行

停止。母事多儀。以副朕柔惠遠邦以實不以文之至意。○又奏准。朝鮮國王因生子甫及三歲。陳請豫建儲位。仰蒙

恩允。恭進謝

恩貢物。非尋常奏謝可比。應准其呈進。○又暹羅國長鄭華。遣陪臣奉金葉表文入貢。

御前方物。龍涎香。金鋼鑽。沈香。冰片。犀角。孔雀尾。翠皮。西洋氈。西洋紅布。象牙。樟腦。降真香。白膠香。大楓子。烏木。白芷。冠華。撥檀香。甘蜜皮。桂皮。藤黃。蘇木。馴象二。

中宮前方物。不貢象。餘物減半。奉

旨。覽國長奏。繼嗣父業。恪承先志。遣使航海遠來。進貢方物。誠悃可嘉。知道了。該部知道。○五十一年

諭。禮部奏朝鮮國王因賜祭該國世子。具表謝恩。並另進方物等語。向來該國王遇有謝恩事件。隨表備進方物。俱加恩准作正貢。但該國王素稱恭順。誠悃真摯。今業經備物遠來。若不予收受。徒滋往返。該國王意必不安。即循例抵作正貢。亦屬虛文。轉非朕推誠加惠之意。所有該國王此次隨表呈進貢物。著該部收受。照例折賞。仍傳諭該國王。嗣後遇有具表謝恩

事件。遵朕屢次所降諭旨。俱毋庸備進方物。以示體恤。該部即遵諭行。○五十二年。車里土司入貢馴象二隻。交鑒儀衛收養。○五十三年。緬甸國王孟暎。遣頭目等齎金葉表文。入貢方物。嵌寶石金塔。嵌紅藍寶石象牙絲冠。嵌紅藍寶石金手鐲。金箔象牙。紅口檀香。各色大呢。大頗幹。金小頗幹。金馴象八。○五十四年。安南國王阮光平始受

封爵。遣使進謝

恩貢物。花犀角。烏犀角。象牙。沈香。速香。凡五種。○又

諭。據奏成林到黎城後。諏吉於十月十五日。宣旨錫封
阮光平為安南國王。該國王祇承恩命。感忭情形。實
屬至誠流露。定於來年三月間。親自進京恭祝萬壽。
現具表文。並謝恩貢品一分。又本年例貢一分。恭遣
陪臣呈進等語。阮光平祇受封爵。備位藩封。仰藉寵
榮。鎮撫該國。其恪恭感戴忱悃。出於至誠。情願趨赴
闕廷。謝恩祝嘏。並於例貢之外。復進謝恩貢品。實屬
恭順可嘉。但念該國王造邦伊始。兩貢同時並進。未
免太費。今貢品業已進關。若不一併賞收。轉恐阻其
嚮化之誠。著加恩將本年例貢。留抵下次正貢。用示

體恤。○是年。安南國王遣陪臣復進謝。

恩方物。金二十鎰。銀百鎰。土絹百羅。紬百。象牙三對。○

五十五年奉

旨。朝鮮國王恪修職貢。恭順可嘉。本年因朕八旬萬壽。普天同慶。特於萬壽正貢之外。另備貢物。輸誠祝嘏。前已命作為次年正貢。今復咨部。懇請轉奏。仍行恭進萬壽貢品。情詞肫懇。具見悃忱。著照所請。准予賞收。屆期自當優加賜賚。以示朕柔懷藩服。加惠遠人至意。該部即遵諭行。○又安南國王欽奉

恩頒詔印詩章。遣陪臣進謝。

恩貢物。肉桂。花犀角。烏犀角。土絹。細布。象牙。凡六種。○

又南掌國王召溫猛遣頭目等慶賀

萬壽。進象二隻。與年貢馴象二隻並進。○又安南國王率世子陪臣親赴

闕廷慶賀

萬壽。進撮詩金箋冊。撮詞金箋冊。金如意。銀盆。金龍。金麟。金鶴。犀角。象牙。砵。珩珠。沉香。土絹。細布。馴象二。○又緬甸國王孟隕遣頭目等齎金葉表文。慶賀

萬壽。並請

賜封號。進長壽佛。萬壽經。紅黃檀香象牙。緬布。孔雀屏。
緬錦。紅呢。馴象六。花象一。奉

旨。覽王奏賀。進獻方物。具見悃忱。王奏請封號。現今頒
給敕書。所懇開關通市。前經諭令督臣等傳旨准行。
至情殷職貢。奏詞肫切。足徵恭順。著准其十年進貢
一次。○又耿馬土司罕朝瑗。慶賀

萬壽。進馴象二。○又朝鮮國王遣使慶賀

萬壽。恭進貢物。奉

旨。覽王奏賀。知道了。本年朕八旬壽辰。該國王已先期
備物呈進。經降旨賞收。並准作為次年萬壽正貢。今

復具表稱賀。進貢方物。本無庸收受。但又令齎回。非所以申該國王慶祝之忱。著仍行賞收。○又暹羅國王具表遣使進貢。並因慶祝。

萬壽。加進壽燭。沈香。紫膠。香冰片。燕窩。犀角。象牙。通大海。哆囉呢。凡九種。奉

諭。據奏暹羅國王遣使進貢祝釐。於七月十一日。正貢船甫到。副貢船尚未抵粵等語。該國王情殷祝嘏。恭進方物。閱其表文。歡欣踴躍。具見惓忱。但現屆八月初旬。該國貢使抵粵較遲。既未能如期到京。隨班慶祝。自毋庸即令趲緊行程。著將該國前後抵粵貢使。

人等俱酌量令其緩程行走。於年底到京。隨入燕賞。以示朕體恤遠人至意。○又緬甸國王以

冊封具表謝

恩。進白石佛像。吉祥寶樹象牙孔雀屏。紅黃檀香紅呢。

緬布。馴象二。○又

諭琉球國王恪守藩封。素稱恭順。重洋遠隔。職貢維虔。此次於例貢之外。恭進謝恩方物。使臣等恐照向例。留作下次正貢。具呈禮部。請為代奏。恩准賞收。下次仍請如期入貢。並稱臨行時國王再三諄囑。令使臣具呈願請。情詞懇切。誠悃可嘉。著照所請。該部即將

所進謝恩方物。准予賞收。下次正貢屆期。該國遣使來京。再當優加賞賚。以示朕懷柔藩服之至意。○又

安南國王瞻覲

天顏回國進謝

恩貢物。金如意。象牙。肉桂。沈香。香蠟。土絹。凡六種。○五

十六年。安南國王為上年瞻覲

天顏時。蒙

恩格外優待。並疊賜物件。遣使進謝

恩貢物。犀角。象牙。羅紉。土絹。白布。砂仁。胡椒。凡七種。○

是年。該國王因謝

恩使臣進關後嗣奉

恩頒

御書壽字。並金寶器物。復遣使奉表。續進謝

恩貢物。水撰玉頂金如意。銀盆。銀水臺。銀鐙樹。銀鶴。銀蓮盆。銀香鑪。土絹。土紬。土布。肉桂。犀角。象牙。凡十有三種。○五十七年。緬甸國王蒙

恩特賜

御書福字。並

加賞多珍。具金葉表文遣使謝

恩。進緬石佛像。孔雀扇。紅黃檀香。紅呢。緬布凡五種。○

是年。安南國王遣使請定貢期。進獻犀角。沉香。
連香。土絹。土紬。土布。萬象。鉦。萬象。鐺。萬象。布彩。
萬象。蠟。萬象。象牙。萬象。象牙。扇。萬象。國戰書。萬
象。象。二。黎維祁事件一本。○又奉

旨。軍機大臣會同禮部議覆安南國王阮光平請定貢
期方物一摺。所稱從前舊例。該國三年一貢者。定為
兩年。六年遣使來朝一次者。定為四年等語。著依議
行。至呈進方物內。金銀器二項。雖係沿照舊例定議。
但任土作貢。原視物產所宜。况此次新定該國貢期。
已較前稍密。足以表該國王親敬之心。其舊例金銀

器。著毋庸呈進。即此外沈香等物。若未能備數。不妨就該國所有。如土紬絹布。均可進奉。不必拘定成例。所謂不惟其物。惟其意也。該國王尚其仰體朕心。欽承無斁。以副朕格外體恤至意。○五十八年。英吉利國王遣使臣馬夏爾尼等。進貢方物。天文地理音樂大表。地理運轉全架。天球地球。指引月光盈虧。測看天氣晴陰。探氣架子。運動氣法。西瓜礮。銅礮。椅子。火鏡。玻璃鐙。印圖。絲毛金綫毯。大氈毯。馬鞦。涼暖車。成對相連槍。自來火金鑲槍。自來火銀鑲槍。自來火小槍。小火槍。大火槍。鋼

刀。巧益架子。早晚運動。能長人精神。西洋船樣。千里眼。各色哆囉呢。羽紗。凡二十九種。○是年。緬甸國王遣陪臣奉金葉表文。來京祝

釐。進洋石壽佛。金葉佛經。金鑲寶石頂朝盞。金朝牌。金鑲寶石鞘刀。金淨水樽。金鑲插金茶壺。黃絨織大象牙。紅黃檀香。各色呢。土紬。土絹。土布。紫花布。紅漆盒。凡十七種。○又安南國王世子阮光纘遣使請

封。進貢方物。金十鎰。銀五十鎰。象牙四。犀角四。土絹百。土紬百。○又琉球恭進謝

恩方物。金龜形一對。銀攢盒二具。銅火盆十箇。銅水罐十箇。染花土紬五十疋。染花苧布五十疋。蕉布五十疋。畫圓屏大小二對。護壽紙五千張。扇二百柄。○五十九年

諭。據禮部奏。琉球國使臣呈稱。國王此次恭進謝恩方物。懇照五十五年准予賞收。免抵下次正貢等語。該國王因前此特賜福字如意等件。專遣使臣呈進方物。向來俱令抵作下次正貢。原以昭體恤而示懷柔。今據該使臣呈稱。伊等臨行時。國王再三囑令將所進方物。懇請准予賞收。免抵下次正貢。具見該國王

抒忱效悃。誠懇可嘉。所有此次呈進方物。既已賞收。著照所請。下次正貢時。仍當優加錫賚。用彰厚往薄來至意。該部即傳諭該使臣。令於回國時。轉告該國王知之。○是年。荷蘭國王遣使入貢。恭進萬年如意。八音樂鐘。時刻報喜各式金表。鑲嵌金盒。鑲嵌帶版。珊瑚珠。琥珀珠。千里鏡。風槍。金銀綫。琥珀。各色花氈。各色羽緞。各色大呢。西洋布。地毯。大玻璃鏡。花玻璃壁鏡。玻璃挂銙。燕窩檀香豆蔻。丁香檀香油。丁香油。凡二十六種。○六十年。朝鮮國王為欽遇乾隆六十年。遣使進慶賀方物。

照例收受。○又緬甸國王遣陪臣祝

釐。齋金葉表文。進緬石長壽佛。貝葉緬字經。福字鎗金
海螺。銀海螺。金鑲緬刀。金柄麈尾。黃緞繖。貼金
象轎。洋槍。馬鞞。象牙犀角。孔雀。木化石。元猴皮。
各色呢。各色花布。凡十有八種。○又南掌國王
遣陪臣祝

釐。恭進長生經一卷。象牙四十。夷錦四十。阿魏二十斤。
○又安南恭進甲寅丙辰兩次例貢方物。象牙
二對。犀角四座。土紬六百疋。土絹土布各二百
疋。沈香一千斤。連香二千斤。○又恭進謝

恩貢物金十鎰銀百鎰。花犀角四。象牙四。土紬百。土絹百。○又恭進慶賀方物。象牙二對。犀角六座。土紬絹布各一百疋。○又暹羅入貢方物。龍涎香。沈香。檀香。白膠香。降真香。金鋼鑽。冰片。樟腦。乳。雀尾犀角。象牙。西洋氈。西洋紅布。翠鳥皮。甘蜜。皮。桂皮。畢撥。大楓子。苳蔻。藤黃。烏木。蘇木。恭進中宮方物。其數減半。